

Samþykkt fyrir Íþrótt- og tómstundaráð Reykjavíkurborgar

Umboð

1.gr.

Íþrótt- og tómstundaráð starfar í umboði borgarráðs með þeim hætti sem nánar er kveðið á um í samþykkt þessari, samþykkt um stjórn Reykjavíkurborgar og fundarsköp borgarstjórnar nr. 638/2001 með síðari breytingum og eftir því sem lög mæla fyrir um.
Verksvið

2. gr.

Íþrótt- og tómstundaráð skal móta stefnu og hafa faglega forystu í íþrótt- og tómstundamálum, taka ákvarðanir og gera tillögur til borgarráðs hvað varðar verksvið þess. Jafnframt hefur ráðið eftirlit með að samþykktum og stefnumörkun á verkssviði þess sé fylgt. Þá fer ráðið með önnur þau verkefni sem borgarráð ákveður.
Íþrótt- og tómstundasvið Reykjavíkur (ÍTR) annast stjórnsýslu fyrir íþrótt- og tómstundaráð.

3. gr.

Íþrótt- og tómstundaráð fer m.a. með eftirtalin verkefni á sviði íþrótt- og tómstundamála:

1. Vinnur að eflingu íþrótt- og tómstundastarfs og hollrar tómstundaiðju almennings í Reykjavík og hefur samvinnu við þá aðila sem um slík mál fjalla.
2. Hefur eftirlit með rekstri íþrótt- og æskulýðsmannvirkja sem eru í eigu Reykjavíkurborgar eða Reykjavíkurborg hefur veitt styrk til, s.s. sundstaða, félags- og frístundamiðstöðva og frístundaheimila, og þeim mannvirkjum öðrum sem Reykjavíkurborg hefur veitt styrki til vegna framkvæmda eða reksturs á sviði íþrótt- og tómstundamála.
3. Gerir tillögur til borgarráðs að gerð og staðsetningu nýrra íþrótt- og æskulýðsmannvirkja, frístunda- og félagsmiðstöðva og frístundaheimila, ásamt tillögum um rekstur þeirra eftir því sem við á.
4. Vinnur að nýsköpunar- og þróunarstarfi á sviði íþrótt- og tómstundamála, s.s. heilsubótarverkefni, og sér til þess að til séu sem gleggstar upplýsingar um íþrótt- og tómstundamál og þá þjónustu sem í boði er.
5. Er framkvæmdaráði Reykjavíkurborgar til samráðs um forgangsöröðun framkvæmda á sviði íþrótt- og æskulýðsmála.
6. Annast umsjón með þjóðhátíð í Reykjavík 17. júní.
7. Vinnur að upplýsinga-, menningar- og tómstundastarfi fyrir 16-25 ára, m.a. með rekstri Hins Hússins.
8. Vinnur að atvinnumálum ungs fólks í Reykjavík.

9. Hefur eftirlit með framkvæmd laga og reglugerða á sviði íþróttar- og tómstundamála, að því marki sem lögin leggja skyldur á herðar sveitarfélaga.

10. Fylgist með því að starfsstaðir á vegum Íþróttar- og tómstundasviðs fari að settum reglum, veiti góða þjónustu og starfsemi þeirra sé skilvirk og hagkvæm.

Ágreiningi um hvort tiltekið erindi eigi undir ráðið ber að vísa til borgarráðs.

4. gr.

Íþróttar- og tómstundaráð skal í störfum sínum fylgja eftirfarandi almennum samþykktum borgarstjórnar og borgarráðs:

1. Stefnukorti borgarinnar
2. Starfsmannastefnu
3. Upplýsingastefnu
4. Upplýsingatækni- og gagnastefnu
5. Jafnréttisstefnu
6. Innkaupastefnu og innkaupareglum
7. Stefnu um fjölmennningarlegt samfélag
8. Umhverfisstefnu
9. Reglum um auglýsingu og afgreiðslu almennra styrkumsókna
10. Reglum um meðferð trúnaðarupplýsinga
11. Stefnu í erlendum samskiptum
12. Siðareglum
13. Leikreglum með fjárhagsáætlun

Jafnframt fylgir íþróttar- og tómstundaráð eftirfarandi samþykktum:

1. Reglum um styrkveitingar til íþróttamannvirkja íþróttafélaga í Reykjavík
2. Reglum um húsaleigu- og æfingastyrki ÍBR og ÍTR
3. Samþykkt um fyrirkomulag skóladagvistar
4. Starfsreglum varðandi atvinnumál ungs fólks í Reykjavík

Skipan

5. gr.

Íþróttar- og tómstundaráð er skipað 7 fulltrúum kjörnum af borgarstjórn og jafnmörgum til vara. Borgarstjórn kýs formann og skal hann vera borgarfulltrúi eða varaborgarfulltrúi. Ráðið kýs sér varaformann og skiptir að öðru leyti með sér verkum. Kjörtímabil ráðsins er hið sama og borgarstjórnar.

Framboðslista sem á fulltrúa í borgarstjórn er heimilt skv. 61 gr. samþykktar um stjórn Reykjavíkurborgar og fundarsköp borgarstjórnar, að tilnefna borgarfulltrúa eða varaborgarfulltrúa til að sitja fundi íþróttar- og tómstundaráðs með málfrelsi og tillögurétt, eigi hann ekki fulltrúa í ráðinu.

Íþróttar- og tómstundaráð getur í sérstökum tilfellum skipað undirnefndir, starfs- eða vinnuhópa til að fjalla um afmarkaða málaflokka. Slíkum nefndum og hópum skal setja erindisbréf þar sem skilgreind eru helstu verkefni og starfinu sett tímamörk. Tilkynna skal um

skipan allra undirnefnda, starfs- og vinnuhópa til borgarráðs.

Verkstjórn og verkaskipting

6. gr.

Formaður Íþróttá- og tómstundaráðs er í forsvari fyrir það um stefnumótun og ákvarðanir þess, eftir því sem við á, og hefur ásamt öðrum fulltrúum í ráðinu eftirlit með framkvæmd mótaðrar stefnu í málaflokknum.

Sviðsstjóri Íþróttá- og tómstundasviðs (ÍTR) ber ábyrgð á framkvæmd ákvarðana ráðsins og rekstri og stjórnsýslu Íþróttá- og tómstundasviðs, þ.m.t. að fjármál og starfsmannamál séu innan heimilda og í samræmi við stefnu borgaryfirvalda.

Boðun funda og fundarsköp

7. gr.

Íþróttá- og tómstundaráð heldur að jafnaði tvo fundi í mánuði. Formaður getur boðað til aukafunda eftir þörfum. Komi fram ósk þriggja ráðsmanna um fund í ráðinu ber að verða við því. Fella má niður fundi í júlí og ágúst eða í alls tvo mánuði að sumarlagi.

Formaður boðar til funda, ákveður dagskrá í samráði við sviðsstjóra og stýrir fundum ráðsins. Á dagskrá skulu m.a. tekin mál, sem fulltrúar í ráðinu hafa óskað eftir að tekin verði þar fyrir, enda séu þau á verksviði ráðsins. Fundir skulu boðaðir með a.m.k. sólarhrings fyrirvara og skal dagskrá fylgja fundarboði.

Heimilt er að taka mál til meðferðar í ráði þótt ekki sé það tilgreint á útsendri dagskrá, en skylt er þá að fresta afgreiðslu þess til næsta fundar sé þess óskað.

Um fundarsköp fer eftir samþykkt um stjórn Reykjavíkurborgar og fundarsköp borgarstjórnar, eftir því sem við á.

Sviðsstjóri eða staðgengill hans skal sitja fundi ráðsins með málfrelsi og tillögurétt. Þá getur ráðið boðað til fundar einstaka starfsmenn Íþróttá- og tómstundasviðs og aðra starfsmenn Reykjavíkurborgar, sem og aðra þá sem það telur þörf á hverju sinni.

Fundaskipulag og ritun fundargerða

8. gr.

Ráðsfundur skal að jafnaði haldinn fyrir luktum dyrum og er þá óheimilt að greina opinberlega frá ummælum sem fram koma hjá einstökum fundarmönnum.

Íþróttá- og tómstundaráð skal halda gerðarbók og senda eftirrit fundargerða til borgarráðs jafnóðum. Um ritun fundargerða fer eftir verklagsreglum skrifstofu borgarstjórnar. Íþróttá- og tómstundasvið sér um skrifstofuhald fyrir ráðið og leggur því til fundarritara.

Í upphafi árs skal kynna fundadagatal ráðsins. Þar komi m.a. fram tímasetning funda til undirbúnings starfs- og fjárhagsáætlunar og yfirferðar ársfjórðungsuppgjöra, ásamt tímasetningu opinna funda og samráðsfunda með hagsmunaaðilum, eftir því sem við á.

Samráð

9. gr.

Íþrótt- og tómstundaráð ber ábyrgð á upplýsingamiðlun og samráði við íbúa, félagasamtök og aðra hagsmunaaðila sem tengjast verkefnum ráðsins. Auk lögbundis samráðs skal ráðið leita umsagna eða annars samráðs þegar við á og efni mála gefur tilefni til.

Við undirbúning veigamikillar stefnumörkunar til langs tíma skal leggja fram í ráðinu sérstaka áætlun um hvernig haga á samráði við stefnumótun.

Íþrótt- og tómstundaráð hefur nána samvinnu við félög og aðra sem hafa íþrótt- og tómstundamál á sinni stefnuskrá, mótar stefnu um samstarf við þau og gefur þeim kost á, eftir því sem þurfa þykir, að tilnefna fulltrúa til samstarfs.

Íþrótt- og tómstundaráði ber að halda a.m.k. einn opinn fund á ári og skal dagskrá hans og fyrirkomulag kynnt með góðum fyrirvara m.a. fyrir borgarfulltrúum, helstu samstarfsaðilum, félögum og samtökum sem starfa að íþrótt- og tómstundamálum í borginni.

Fjármál

10. gr.

Íþrótt- og tómstundaráð fær fjárhagsramma vegna verkefna sem undir það heyra og felur sviðsstjóra Íþrótt- og tómstundasviðs að vinna starfsáætlun og tillögur í frumvarp að fjárhagsáætlun í samræmi við stefnumótun og forgangsörðun ráðsins.

Ráðið afgreiðir starfsáætlun og hefur eftirlit með að tillögur í frumvarpi að fjárhagsáætlun séu í samræmi við starfsáætlun og mótaða stefnu.

Tillögur um breytingar á rekstrinum sem leiða til breytinga á gjaldskrá eða þjónustu skal sérstaklega skýra og rökstyðja. Formaður ráðsins og sviðsstjóri kynna borgarráði starfsáætlun og tillögur í frumvarpi að fjárhagsáætlun.

Ráðningar

11. gr.

Borgarráð ræður sviðsstjóra Íþrótt- og tómstundasviðs, að fenginni tillögu borgarstjóra, til fimm ára í senn. Sviðsstjóri ræður í aðrar stjórnunarstöður á Íþrótt- og tómstundasviði.

Málsmeðferð

12. gr.

Við undirbúning mála og stjórnvaldsákvarðanir skal þess gætt að farið sé að stjórnsýslulögum og verklagsreglum um stjórnsýsluna.

Óski aðili frekari rökstuðnings eða beri hann fram kvörtun vegna afgreiðslu íþrótt- og tómstundaráðs skal honum leiðbeint um réttarstöðu sína, m.a. um heimild til að óska endurupptöku stjórnvaldsákvörðunar í borgarráði með hliðsjón af 24. gr. stjórnsýslulaga. Telji borgarráð að skilyrði endurupptöku séu fyrir hendi skal ráðið taka mál upp að nýju.

Um hæfi kjörinna fulltrúa og starfsmanna vísast í samþykkt um stjórn Reykjavíkurborgar og fundarsköp borgarstjórnar.

Samþykkt þessi tekur þegar gildi og fellur þá jafnframt úr gildi samþykkt fyrir íþrótt- og tómstundaráð frá 21. mars 2002, með síðari breytingum.

Samþykkt í borgarstjórn 5. apríl 2005